

Stjórnarfundur nr. 1

14. júní 2011 kl.16:30 á skrifstofu HRFÍ

Mættir: Anna María Flygenring, Auður Sif Sigurgeirsdóttir, Björn Ólafsson, Guðríður Þ. Valgeirsdóttir, Jóna Th. Viðarsdóttir, Súsanna Antonsdóttir og Valgerður Júlíusdóttir.

1. Stjórn HRFÍ.

Á aðalfundi HRFÍ þann 18. maí sl., sem haldinn var á Grand Hóteli voru Anna María Flygenring, Auður Sif Sigurgeirsdóttir, Björn Ólafsson og Margrét Kjartansdóttir í framboði í aðalstjórn félagsins. Anna María Flygenring og Björn Ólafsson voru kjörin í aðalstjórn. Auður Sif Sigurgeirsdóttir var kjörin í varastjórn. Jóna Th. Viðarsdóttir var ein í framboði til formanns.

Stjórn er því þannig skipuð:

Jóna Th. Viðarsdóttir formaður, Anna María Flygenring, Björn Ólafsson, Guðríður Þ. Valgeirsdóttir og Valgerður Júlíusdóttir, öll í aðalstjórn, Auður Sif Sigurgeirsdóttir og Súsanna Antonsdóttir í varastjórn.

Stjórn skiptir þannig með sér verkum:

- Varaformaður- Guðríður Þ. Valgeirsdóttir
- Gjaldkeri- Súsanna Antonsdóttir
- Ritari – Valgerður Júlíusdóttir
- Umsjón með Sólheimakoti- enginn vill taka að sér umsjón.

2. Aðalfundur HRFÍ 18. maí sl.

Fundarstjóri var Þorsteinn Þorbergsson. Fundarritari var Guðrún Margrét Baldursdóttir. Mættir voru 139 fundarmenn í Reykjavík og 11 á Akureyri, samtals 151 félagar fengu afhent kjörgögn. Fundargerð hefur borist frá Guðrúnu Margréti Baldursdóttur. Aðalfundi félagsins var varpað í fundarsal Verkmenntaskólans á Akureyri þar sem 11 félagsmenn voru viðstaddir.

Kosning siðanefndar:

Fulltrúar í siðanefnd gáfu allir kost á sér í endurkjöri:

Aðalmenn: Herdís Hallmarsdóttir, Hilmar Sigurgíslason, Kristín Sveinbjörnsdóttir

Varamenn: Guðrún Sigríður Sigurðardóttir, Guðmundur Helgi Gunnarsson,

Kosning tveggja félagskjörinna skoðunarmanna og tveggja til vara :

Neðangreindir gáfu kost á sér í endurkjöri:

Aðalmenn: Þorsteinn Þorbergsson og Kristín Sveinbjörnsdóttir

Varamenn: Gunnar B. Gunnarsson og Margrét Dögg Halldórsdóttir

Neðangreindar lagabreytingar voru lagðar fyrir aðalfundinn:

1. Tillaga að lagabreytingum frá Guðríði Magnúsdóttur:

Neðangreindar tillögur taka til nokkurra lagagreina þar sem bætast við ákvæði um birtingu á heimasíðu félagsins.

Breyting á 8. grein , lið 10:

Setningunni „Erindi um þess háttar mál skulu vera skrifleg og hafa borist stjórn HRFÍ fimm dögum fyrir aðalfund og skulu tillögur um önnur mál liggja frammi á skrifstofu félagsins.“

Verði breytt í „Erindi um þess háttar mál skulu vera skrifleg og hafa borist stjórn HRFÍ fimm dögum fyrir aðalfund og skulu tillögur um önnur mál liggja frammi á skrifstofu félagsins og á heimasíðu félagsins“

Breyting á 10. grein.

Aftan við 10. grein bætist við eftirfarandi ákvæði:

„*Kynning á frambjóðenda skal liggja frammi á heimasíðu félagsins eigi síðar en 10. apríl.*”

Breyting á 29. grein:

Setningunni „*Lagabreytingartillögur skulu liggja frammi á skrifstofu og heimasíðu félagsins a.m.k. viku fyrir aðalfund.*”

Greinargerð með tillögu:

Ljóst er að margt landsbyggðarfólk hefur ekki verið að gera sér ferð í bæinn á skrifstofu félagsins til að kynna sér þær lagabreytingar og tillögur sem koma til umfjöllunar fyrir aðalfund. Mikilvægt er að auðvelda aðgengi allra félagsmanna að þessum upplýsingum og heimasíða félagsins er kjörinn vettvangur til þess.

Bókun fundarritara aðalfundar:

Fram kom að tillagan er studd heilshugar af stjórninni. Tillöguna þarf að samþykkja með 2/3 hluta atkvæða. Var hún samþykkt með öllum greiddum atkvæðum nema einu.

2. Tillaga að lagabreytingum frá Guðríði Magnúsdóttur

Neðangreindar tillögur taka til nokkurra lagagreina þar sem bætast við ákvæði um rafrænar kosningar til stjórnar HRFÍ.

Breyting á 8. grein, lið 1:

Á eftir setningunni „Skipan fundarstjóra, fundarritara og lögmæti fundarins kannað komi: Lokað fyrir rafræna kosningu formanns og /eða annarra stjórnarmanna.

Breyting á 8. grein, liður 7:

Kosning formanns HRFÍ og annarra stjórnarmanna skv. 10. gr. verði breytt í: Úrslit úr rafrænni kosningu til formanns HRFÍ og annarra stjórnarmanna skv. 10 gr. liggur fyrir.

Breyting á 9. grein,

Setningin „Atkvæðagreiðsla fer fram með handauppréttingu” verði breytt í „Atkvæðagreiðsla á fundarstað fer fram með handauppréttingu.

Setningin „Við kosningar á milli manna skal atkvæðagreiðsla vera skrifleg, fari einhver fundarmanna fram á það” verði breytt í „Við kosningar á milli manna á fundarstað skal atkvæðagreiðsla vera skrifleg, fari einhver fundarmann fram á það.

Breyting á 10. grein.

Á eftir setningunni „Stjórn félagsins skal skipuð fimm mönnum og tveimur til vara” bætist við „Kosning skal vera rafræn. Lykilorð vegna kosninga skal sendast félagsmönnum með öruggum hætti a.m.k. fjórum virkum dögum fyrir aðalfund”

Greinargerð með tillögu:

Ljóst er að margir félagsmenn hafa ekki verið að gera sér ferð á aðalfund félagsins til að nýta sér atkvæðarétt sinn til stjórnarkjörs. Mikilvægt er að auðvelda aðgengi allra félagsmanna á að kjósa í stjórn félagsins hverju sinni þar sem stjórn félagsins hingað til hefur einungis haft kosningu frá um 10% félagsmanna. Félagsmenn HRFÍ hafa margoft á aðalfundum samþykkt tillögu um að taka upp utankjörfundaratkvæðagreiðslu, en stjórn félagsins ekki framkvæmt ennþá.

Bókun fundarritara aðalfundar:

Fundarstjóri tók að sér að gera grein fyrir lagabreytingartillögunum. Jóna Th. Viðarsdóttir, formaður HRFÍ, lagði til að lagabreytingartillögunni yrði vísað frá vegna þess að samhljóða tillaga hefði verið borin undir atkvæði og felld fyrir ári síðan en tillaga um fundi annarsstaðar á landinu samtímis fundi í Reykjavík hefði verið samþykkt og sú framkvæmd væri nú til reynslu.

Kosið var um dagskrártillögu Jónu Th. Viðarsdóttur, formanns félagsins, þess efnis að lagabreytingartillögu Guðríðar Magnúsdóttur nr. 2 yrði vísað frá og urðu úrslit þeirrar kosningar, sem fram fór með handauppréttingum, að lagabreytingartillögunni var vísað frá með meirihluta greiddra atkvæða.

3. Tillaga að lagabreytingu frá Þorsteini Kristinssyni, Huldu Björt Magnúsdóttur, Ingu Fanney Egilsdóttur, Þórarinni Pálssyni, Sigrúnu Grétu Einarsdóttur, Ásthildi Bragadóttur og Klöru Guðrúnu Hafsteindóttur.

Neðangreind tillaga tekur til breytinga á 10. grein laga HRFÍ um kjör til stjórnar félagsins. Breytingin tekur til ákvæðis um endurkjör.

Eftir breytingu yrði 10. grein laga HRFÍ eftirfarandi:

„10. Stjórn félagsins skal skipuð fimm mönnum og tveimur til vara. Formann skal kjósa sérstaklega til tveggja ára í senn. Árlega skal kjósa sameiginlega tvo meðstjórnendur til tveggja ára. Árlega skal kjósa einn varamann til tveggja ára. Endurkjör er leyfilegt en enginn skal þó sitja lengur í stjórn en þrjú kjörtímabil (sex ár) samfellt en getur að einu kjörtímabili liðnu (tveimur árum), gefið kost á sér aftur. Framboðsfrestur til stjórnarkjörs rennur út 30. mars ár hvert”

Greinargerð með tillögu:

Breyting á ákvæði um endurkjör er fyrst og fremst hugsuð til að tryggja eðlilega endurnýjun á stjórninni og fyrirbyggja stöðnun í uppbyggingu félagsins. Hætt er við að sú reynsla og þekking sem myndast innan stjórnarinnar dreifist á of fáar hendur og að það hamli eðlilegri þróun félagsins. Einnig virkar það sem hvati á þá sem láta félagið sér varða að koma sér á framfæri þegar fleir sæti í stjórninni losna. Endurkjör sitjandi stjórnarmanna hefur oftast verið gulltryggt og óhjákvæmilega dregur það úr vilja áhugasamra að gefa kost á sér. Nýjar áherslur koma með nýju fólki og tryggja þarf að stjórn HRFÍ verði sá farvegur sem tryggir framþróun félagsins en verði ekki hamlandi afl staðnaðra viðhorfa.

Bókun fundarritara aðalfundar:

Fundarstjóri tók að sér að gera grein fyrir lagabreytingartillögu nr. 3.

Opnuð var mælandaskrá um tillöguna og tók Jóna Th. Viðarsdóttir, formaður, til máls. Var megininntak máls hennar að sú framkvæmd sem væri við lýði væri eins lýðræðisleg og hugsast gæti og það væri misskilningur að endurkjör væri gulltryggt. Að lokum lagði formaður til að tillögunni yrði vísað frá. Gerð var athugasemd við að allir viðstaddir hefðu ekki kosningarétt á fundinum og því voru greidd atkvæði með uppréttingu kjörseðla. Eftir að kosning hafði farið fram með handauppréttingu kjörseðla kom fram að farið hafði verið fram á skriflega kosningu á fundinum á Akureyri. Hafnaði fundarstjóri því þar sem tillagan væri of seint fram komin.

Var kosningin endurtekin eins og fyrr, með handauppréttingu atkvæðaseðla og fór atkvæðagreiðslan eins og hér segir: Já: 51 Nei: 68. Dagskrártillaga um að vísa lagabreytingartillögunni frá var því felld.

Farið var fram á skriflega kosningu um lagabreytingartillöguna og var það samþykkt.

Úrslit skriflegra kosninga um lagabreytingartillöguna urðu þau að tillagan var felld.

Atkvæðagreiðsla fór eins og hér segir: Já: 76 Nei: 68 Auðir: 4 Ógildir: 1

A.m.k. 2/3 hluta greiddra atkvæða fundarmanna þarf til að lögum félagsins verði breytt á aðalfundi.

4. Tillaga að lagabreytingu frá stjórn HRFÍ

Tillagan tekur til breytinga á grein 27 í kaflanum IX. Siðanefnd og agareglur. Breytingin tekur til ákvæðis siðanefndar um birtingu úrskurða.

27. grein hljóðar svo:

“Siðanefnd kemur saman ef fyrir liggur skrifleg, rökstudd kæra frá félagsmanni eða stofnun innan HRFÍ. Aðilar málsins mega tjá sjónarmið sín fyrir nefndinni og skal hún leita sátta en úrskurða ella. Mál skulu tekin fyrir og afgreidd svo fljótt sem unnt er. Siðanefnd getur úrskurðað í málum til bráðabirgða samkvæmt kröfu málsaðila ef ríkar ástæður eru til þess að mati nefndarinnar. Bráðabirgðaúrskurðir siðanefndar gilda í tiltekin tíma og er hámarkslengd slíkra úrskurða 3 mánuðir. Siðanefnd getur í einstökum málum fjölgað í nefndinni með því að kalla inn í hana löglærðan fulltrúa utan félagsins.

Á fundum siðanefndar ræður afl atkvæða um úrskurði nefndarinnar. Úrskurðurinn skal vera rökstuddur og skal ávallt birtur málsaðilum innan viku frá því að úrskurður er kveðinn

upp. Úrskurður siðanefndar er endanlegur. Úrskurðir skulu birtir í Sámi og á vefsíðu HRFÍ. Siðanefnd getur endurskoðað ákvarðanir sínar ef ríkar ástæður eru til.”

Eftir breytingu yrði 27. grein í kafla IX. Siðanefnd og agareglur eftirfarandi:

“Siðanefnd kemur saman ef fyrir liggur skrifleg, rökstudd kæra frá félagsmanni eða stofnun innan HRFÍ. Aðilar málsins mega tjá sjónarmið sín fyrir nefndinni og skal hún leita sátta en úrskurða ella. Mál skulu tekin fyrir og afgreidd svo fljótt sem unnt er. Siðanefnd getur úrskurðað í málum til bráðabirgða samkvæmt kröfu málsaðila ef ríkar ástæður eru til þess að mati nefndarinnar. Bráðabirgðaúrskurðir siðanefndar gilda í tiltekin tíma og er hámarkslengd slíkra úrskurða 3 mánuðir. Siðanefnd getur í einstökum málum fjölgað í nefndinni með því að kalla inn í hana löglærðan fulltrúa utan félagsins.

Á fundum siðanefndar ræður afl atkvæða um úrskurði nefndarinnar. Úrskurðurinn skal vera rökstuddur og skal ávallt birtur málsaðilum innan viku frá því að úrskurður er kveðinn upp. Úrskurður siðanefndar er endanlegur. Úrskurðir skulu birtir á vefsíðu HRFÍ. Siðanefnd getur endurskoðað ákvarðanir sínar ef ríkar ástæður eru til.”

Greinargerð með tillögu:

Úrskurðir siðanefndar eru margir og langir. Með því að þurfa að birta þá í félagsblaði félagsmanna er verið að greiða of mikinn pening fyrir lesefni sem auðveldlega er hægt að nálgast á vefsíðu HRFÍ. Ef félagsmenn eru ekki með netið er hægt að láta prenta út úrskurðina á skrifstofu HRFÍ.

Bókun fundarritara aðalfundar:

Fundarstjóri gerði grein fyrir lagabreytingatillögu nr. 4 og opnaði mælendaskrá um hana. Ragnar Sigurjónsson tók til máls og lýsti sig samþykkan því að úrskurðir yrðu birtir á Netinu en ekki í Sámi. Fleiri tóku ekki til máls og var tillagan borin undir atkvæði. Var kosið með handaruppréttingu með atkvæðaseðlum og var hún samþykkt með öllum greiddum atkvæðum.

Þrjú erindi voru lögð fyrir aðalfundinn undir liðnum önnur mál:

1. Erindi frá Diljá Þorgeirsdóttur

From: Diljá Þorgeirsdóttir [mailto:dilja.thorgeirsdottir@gmail.com]

Sent: 12. maí 2011 00:11

To: hrfi@hrfi.is

Subject: Tillaga fyrir aðalfund

Undirrituð óskar eftir því að eftirfarandi erindi verði tekið fyrir á aðalfundi Hrfí 18. maí 2011 undir liðnum önnur mál og verði tekið þar til umfjöllunar og ákvörðunar:

Pinscher-, Mastiff og Fjallahundadeild barst erindi frá tengiliði Enskis bulldogs varðandi flutning tegundarinnar yfir í smáhundadeild. Stjórn smáhundadeildar sér ekkert því til fyrirstöðu og telur þennan flutning geta styrkt deildina ef eitthvað er sérstaklega þar sem Franskur bulldog er þar fyrir og eru þetta tvær náskyldar tegundir. Í öllum okkar nágrannalöndum eru Franskir og Enskir bulldog saman í deild og eiga vel saman. Þessar tegundir eru með svipuð heilsufars vandamál og eru frábrugðnar öðrum tegundum á margan hátt. Erindið var tekið fyrir á aðalfundi Pinscher-, Mastiff og Fjallahundadeildar og einróma samþykkt. Tegundin býr ekki yfir þeim vinnuhundaeiginleikum sem þeir voru upprunalega ræktaðir til. Einnig eru heilsufarskröfur þessarar tegundar ekki sambærilegar við aðrar tegundir innan PMF-deildar. Í dag er Enskur bulldog fyrst og fremst selskapshundur. Stjórn PMF telur því hagsmunum allra best þjónað með því að verða við þessari beiðni og muni styrkja tegundina til muna hér á landi.

Virðingarfyllst, H. Diljá Þorgeirsdóttir

Bókun fundarritara aðalfundar:

Diljá Þorgeirsdóttir kynnti tillögu sína og benti á að tillagan væri rétt fram borin til að hægt væri að fjalla um hana og bera hana undir atkvæði á fundinum.

Fundarstjóri lýsti eftir athugasemdum um tillöguna og tók Ólöf Elíasdóttir til máls og kvaðst styðja hana. Formaður félagsins tók til máls og kvaðst hugsandi yfir tillögunni vegna fordæmisgildis. Kvaðst hún jafnframt efast um lögmæti þess að fundurinn greiddi atkvæði um tillöguna vegna þess að hann gæti aðeins greitt atkvæði um stofnun eða niðurlagningu ræktunardeildar.

Lára Birgisdóttir kvaðst á móti tillögunni, Bára Einarsdóttir kvaðst styðja hana. Hafrún hjá PMF-deild kvaðst fylgjandi tillögunni vegna hagsmuna viðkomandi tegundar. Diljá Þorgeirsdóttir tók aftur til máls og ítrekaði að á hinum Norðurlöndunum væru klúbbar stofnaðir um bulldog tegundirnar tvær þótt hundaræktarfélag þeirra landa væru innan FCI. Rakel tók til máls og benti á að beina ætti tillögunni til FCI.

Rætt var nánar um hvort tillagan stangaðist á við lög félagsins er kveða á um þau mál er aðalfundur fjallar um. Lagði fundarstjóri til að tillagan yrði tekin til atkvæða - síðan fari tillagan til laganefndar HRFÍ, sem fjalli um hvort sú afgreiðsla sé í samræmi við lög félagsins. Var ákveðið að ganga til atkvæða og fóru þau sem hér segir:

Samþykki: 67, á móti: 19. Tillagan var samþykkt og henni vísað til laganefndar félagsins.

2. Erindi frá Guðríði Magnúsdóttur

From: Guðríður Magnúsdóttir [mailto:vidvik@mi.is]

Sent: 10. maí 2011 16:39

To: hrfi@hrfi.is

Cc: Lára Björk Birgisdóttir

Subject: tillaga til aðalfundar HRFI sem halda á þann 18.mai 2011

Viðvík 10.mai 2011

Tillaga um að meistarastigssýning félagsins sem haldin er árlega í júní mánuði, verði haldin úti við, þ.e. undir berum himni, víðsvegar um landið hverju sinni og ákveði verði með tillögum frá félagsmönnum á aðalfundi HRFÍ með a.m.k.12 mánaða fyrirvara hvaða staður verði fyrir valinu og þá með tilliti til aðstöðu hvers svæðis sem til greina kemur.

Guðríður Magnúsdóttir

afrit sent á Fjár og Hjarðhundadeild

Bókun fundarritara aðalfundar:

Guðríður gerði grein fyrir erindi sínu um fjarfundabúnað frá Akureyri. Fundarstjóri lýsti eftir athugasemdum. Pétur Alan tók til máls og lýsti sig fylgjandi erindinu. Ragnar Sigurjónsson lýsti sig andvígán sýningum utandyra hér á landi. Björn Ólafsson tók til máls og lýsti sig andvígán tillögunni. Sigurlaug Hauksdóttir benti á að hvorki væri talað um að flytja búnað né að sýningarnar ættu að fara fram á Akureyri. Jóna Th. Viðarsdóttir kvað ekki raunhæft að flytja sumarsýningu HRFÍ annað en hvatti deildir til að halda sýningar utandyra. Halldór Björnsson benti á að viðburðir í kringum veiðihunda hefðu farið fram annarsstaðar en í Reykjavík. Hvatti hann til að prófað væri að byrja á minni sýningum. Að loknum umræðum var tillagan borin undir atkvæði og var hún felld.

3. Erindi frá Klöru Guðrúnu Hafsteinsdóttur

From: Klara Hafsteinsdóttir [mailto:rosetopps@gmail.com]

Sent: 10. maí 2011 14:55

To: Stjórn; hrfi@hrfi.is

Subject: Tillaga fyrir aðalfund 18. maí 2011

Undirrituð óskar eftir því að eftirfarandi erindi verði tekið fyrir á aðalfundi HRFÍ 18. maí 2011 undir liðnum önnur mál og verði tekið þar til umfjöllunar og ákvörðunar:

"Stjórn auglýsi starf framkvæmdastjóra sem nú ætti að vera fullmótað og þess verði gætt við ráðningu að framkvæmdastjóri sé aðili utan stjórnar eðli starfsins samkvæmt. Stjórn setji fram hæfniskröfur í samræmi við sambærileg störf og ráði hæfasta aðilann í starfið. Miðað við að þessu ferli sé lokið innan sex mánaða."

Bókun fundarritara aðalfundar:

Klara kynnti erindið nánar og óskaði eftir skriflegri atkvæðagreiðslu um tillöguna. Jóna Th. Viðarsdóttir, formaður félagsins, tók til máls og lagði fram dagskrártillögu um að erindinu yrði vísað til stjórnar HRFÍ, sem sæi um ráðningar starfsfólks samkvæmt lögum félagsins.

Fundarstjóri benti á þann lagaskilning að lagabreytingatillaga þyrfti að koma fram til þess að kveðja á um að framkvæmdarstjóri mætti ekki vera í framboði til stjórnar.

Dagskrártillaga um að erindinu yrði vísað til stjórnar HRFÍ var borin undir atkvæði og fóru þau þannig að já sögðu 33 og nei sögðu 72. Gengið var því til skriflegra kosninga um erindið. Úrslit atkvæðagreiðslu um erindi nr. 3 urðu: Já: 93, nei: 30, auðir seðlar: 6. Var erindið því samþykkt.

Bókun stjórnar HRFÍ, Valgerður Júlíusdóttir vék af fundi á meðan erindið var tekið fyrir og bókað:

Samkvæmt lögum HRFÍ undir stjórn félagsins í 11.gr. e) segir: Stjórn HRFÍ sér um ráðningar og uppsagnir starfsfólks, ákveða laun og önnur kjör, taka saman starfslýsingar og leiðbeiningar fyrir starfsfólk og hafa tilsjón með starfi þess.

Miðað við ofangreinda lagagrein sér stjórn HRFÍ um ráðningar framkvæmdastjóra félagsins. Valgerður Júlíusdóttir er fyrsti framkvæmdastjóri HRFÍ og hefur gengt starfinu í þrjú ár.

Valgerður hefur mótað starf framkvæmdastjóra og hefur verið í góðu samstarfi við framkvæmdastjóra NKU landanna. Valgerður hefur jafnframt setið í stjórn félagsins og hefur átt gott samstarf við formann og aðra stjórnarmeðlimi HRFÍ.

Stjórn lýsir yfir fullum stuðningi við Valgerði sem framkvæmdastjóra og væntir þess að eiga við hana áframhaldandi samstarf og við þökkum henni fyrir velunnin störf í þágu félagsins.

3. Skipun í fastanefndir starfsárið 2011 - 2012

Skólanefnd

Auður Sif Sigurgeirsdóttir, auja83@gmail.com

Sigríður Bílddal, sbilddal@isl.is

Valgerður Júlíusdóttir, vala@hrfi.is

Ritnefnd

Auður Sif Sigurgeirsdóttir, ritstjóri auja83@gmail.com

Anja Björg Kristinsdóttir, anja@shihtzuhundar.com

Guðrún Margrét Baldursdóttir, gbaldursdottir@hotmail.com

Inga Björk Gunnarsdóttir, sperdill@emax.is

Þorsteinn Thorsteinsson, sunnusteinn@simnet.is

Berglind Magnúsdóttir, beggarauda@hotmail.com

Klara Á. Símonardóttir, klara@hrfi.is

Sýningarnefnd

Sýningarstjórn

Fríður Esther Pétursdóttir, esther@midja.is

Hrefna Karlsdóttir, hrefna.karlsdottir@slr.stjr.is

Kolbrún Björnsdóttir, kollab@gmail.com

Lilja Dóra Halldórsdóttir, liljahalldorsdottir@gmail.com

Valgerður Júlíusdóttir, vala@hrfi.is

Framvæmdanefnd sýningastjórnar:

Arnheiður Runólfsson, heidarunolfs@internet.is

Astríður Magnúsdóttir, ahhestar@gmail.com

Brynja Eyþórsdóttir, brynja88@gmail.com

Birgir Jakob Hansen, brynja88@gmail.com

Guðbjörg Kristinsdóttir, solheimar17@internet.is
Hannes Brynjar Sigurgeirsson, ahhestar@gmail.com
Margrét G. Andrésdóttir, maggamas@gmail.com
Vordís Sigurþórsdóttir - vordis1@internet.is
Þórarinn Pálsson – totipals@gmail.com
Örnólfur Guðmundsson - skessutak@internet.is

Vísindanefnd:

Helga Finnsdóttir, dýralæknir helgaf@tv.is
Ólöf Loftsdóttir, Dýraspítalinn í Víðidal olalofts@gmail.com
Hanna María Arnórsdóttir, Dýraspítalanum í Garðabæ hanna@dyralaeknastofan.is

Ættbókarnefnd:

Helga Andrésdóttir, sindra@simnet.is
Guðríður Valgeirsdóttir, gaujav@simnet.is
Sigríður Pétursdóttir, sigpol@islandia.is

Laganefnd:

Guðrún Margrét Baldursdóttir, gbaldursdottir@hotmail.com
Þorsteinn Þorbergsson, steini@sensa.is
Gunnlaugur Valtýsson, gunnl.valt@hotmail.is

Kynningar- og útbreiðslunefnd

Súsanna Antonsdóttir, stjorn@hrfi.is
Frestað til næsta fundar hjá stefnumótunarteymi

Veiðiprófanefnd HRFÍ fyrir tegundahóp 7

Ásgeir Heiðar frá fuglahundadeild, pointer@vortex.is
Egill Bergmann frá írsk setterdeild, maggak@vortex.is
Vantar fulltrúa frá vorstehdeild

4. Meistarásýning HRFÍ 4.-5. júní sl. og augnskoðun í reiðhöllinni Víðidal

610 hundar voru skráðir á sýninguna, sem er mun minna en skráð var á júní sýninguna í fyrra þar sem skráðir voru 748 hundar. Þökkaleg aðsókn áhorfenda var m.v. gott veður og hátíðahöld í boði í borginni á Sjómannadegi. Dómarar lofuðu að venju alla umgjörð og skipulagninu og síðast og ekki síst frábært starfsfólk sem vann í dómhringjum.

Augnskoðun 4. og 5. júní

Skoðaðir voru 122 hundar af Finn Bøserup frá Danmörku í Reiðhöllinni í Víðidal. Greindist einn hundur með PRA þ.e. hann var grunaður um PRA í október var greindur með staðfest PRA og verður því áfram í ræktunarbanni. Einn hundur fór í ræktunarbann v. Cataract. Mjög margir hundaeigendur mættu ekki með hunda sína í augnskoðunina. Næsta augnskoðun verður samhliða alþjóðlegri sýningu 19. og 20. nóvember n.k.

5. Dómaranáms

Haldið var í fyrsta skipti á vegum félagsins dómaranáms dagana 2. og 3. júní. Náms þetta er að fyrirmynd DKK fyrir ungt fólk á aldrinum 14-35 ára. Svend Løvenkjær, Kresten Scheel og Annette Bystrup dómarar frá Danmörku sáu um námskeiðið. Fimmtán aðilar sóttu námskeiðið og voru þrettán samþykktir til að halda áfram. Unnu þeir í dómhringjum á júní sýningunni með dómurum og stóðu sig með stakri þryði. Stjórn vinnur að setningu reglna um námið með aðstoð DKK. Á döfinni er að fara af stað með námskeið fyrir eldri félagsmenn með aðstoð DKK.

6. Sjávarútvegs- og landbúnaðarnefnd Alþingis sendir yður til umsagnar frumvarp til laga um innflutning dýra (gæludýr), 668. mál.

Þess er óskað að umsögn berist eigi síðar en 22. júní 2011 á netfangið nefndasvid@althingi.is en jafnframt er óskað eftir að fá

undirritað frumrit til skjalaskráningar sent til Nefndasviðs Alþingis, Austurstræti 8-10, 150 Reykjavík.

Dingskjalið er hægt að sækja á vef Alþingis: <http://www.althingi.is/altext/139/s/1185.html>
Vakin er athygli á því að allar umsagnir um málið birtast á vef Alþingis undir fyrirsögninni Innsend erindi á síðu viðkomandi þingmáls þegar það hefur verið rætt á nefndarfundi. Bent skal á að leiðbeiningar um ritun umsagna er að finna á vef Alþingis á slóðinni www.althingi.is/vefur/nefndaumsagnir.html<<http://www.althingi.is/vefur/nefndaumsagnir.html>>.

Framvegis verða umsagnarbeiðnir um þingmál aðeins sendar í tölvupósti. Vinsamlegast staðfestið netföng umsagnaraðila, eitt eða fleiri, til að tryggja það að umsagnarbeiðnir komist til skila.

Kveðja

Sigrún Helga Sigurjónsdóttir
ritari nefndasviðs Alþingis.

7. World Dog Show /FCI fundur í Paris í júlí.

Sunnudaginn 3. júlí - Fundur hjá Europe Section

Mánudag & þriðjudag 4. - 5. júlí – FCI GA - FCI General Assembly in Paris on July 4-5, 2011. Þriðjudag eftir FCI fundinn hittast NKU félagar.

8. Önnur mál

- **Fréttatilkynning**

Hundaræktarfélag Íslands hvetur hundaeigendur til að sýna ábyrgð í hundahaldi.

- **Björn Ólafsson vill fá Karl Donvil á sýningu HRFÍ og fá hann til að taka myndir og fjalla um sýningar félagsins.**

Karl er í ritnefnd FCI blaðsins (Reporter and Photographer, Chief Executive Officer of the World Dog Press Association, Member of the Editorial Board of the FCI Magazine)

9. Næsti stjórnarfundur miðvikudaginn 29. júní kl.16:30.

Sign:

Anna María Flygenring, Auður Sif Sigurgeirsdóttir, Björn Ólafsson, Guðríður Þ. Valgeirsdóttir, Jóna Th. Viðardóttir, Súsanna Antonsdóttir og Valgerður Júlíusdóttir.

Fundi slitið.